

庶物類纂

蟲屬
自三十三至三十四

容

太政官文庫			
和書門	特別	一二三六二	茅幸雷
類	號	函	架
冊	四六五		

內閣文庫			
番號	和	32362	
冊數		465 (357)	
函號	特	54	1




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







底物類纂蟲屬卷之三十三目次
蠅

昆虫類纂

蟲屬目次

蠅

一名醜扇爾 一名羊方

俗名法噎ハイ 又名罵母虎マム
州紀伊

蠅

蠅醜扇

爾雅

好搖翅

晉郭璞

強斨

爾雅

卽強醜

斨音祈郭璞

爾雅

強蟲名也一名斨好

自摩拊者蓋蠅類

宋邢昺爾雅疏

蠅東晉謂之羊

此亦語轉耳今江東人呼羊聲如陳

楚之間謂之蠅自關而西秦晉之間謂之蠅

漢楊雄

蠅生積灰蜂出蜘蛛腐木為螢蟻蟮出朽芻

晉束皙

韓子曰以骨去蟻蟻愈多以魚驅蠅蠅愈至

唐歐陽

類聚

蠅長安秋多蠅成式蠹書常曰讀百家五卷頗為所擾觸睫隱字歐不能已偶拂殺一焉細視之翼甚似蜋冠甚似蜂性察於腐嗜於酒肉按理首翼其類有蒼者聲雄壯負金者聲清聒其聲在翼也青者能敗物巨者首如火或曰大麻蠅茅根所化也唐臨淄段成式酉陽雜俎

機謹按段成式廬陵下官記無青者以下之文大和七年河陰忽有蠅蔽天如蝗止三日河陽界經旬方散有李肇時為尉向予三從兄說唐臨淄段成式酉陽雜俎

續集

夏侯彪夏月食飲生虫在下未曾瀝口嘗送客出門奴盜食醬肉彪還客覺之大怒乃捉蠅與食令嘔出之唐張鷟朝野僉載

盧記室多作脯腊夏則委人於十步肉扇上塗飴以撲蠅脯以青紗障隔塵土時人呼為獵蠅記室金溪記○唐馮贄雲仙雜記

機謹按山堂肆考引金溪記十步肉作十步之內韓詩曰鷄鳴譌人也匪鷄則鳴蒼蠅之聲薛君曰鷄遠鳴蠅聲

相似

東觀漢記曰光武與隗囂書曰蒼蠅之飛不過三數步托驥之尾得以絕群

後漢書曰楊章為杜喬李固薦為平原令後喬固被刑章行赴洛見喬固暴屍坐其旁驅逐蠅蟲

魏畧曰王思正始中為大司農性急嘗執筆作書蠅集筆端驅去復來如是再三思怒自赴逐蠅不能得還取筆擲地踏壞之

張勃吳錄曰曹興帝使畫屏風筆落素便點為蠅帝

疑生乃彈之

前秦書曰苻堅欲赦與王猛苻融議甘露堂悉屏左右堅親為赦文有大蒼蠅集于筆端驅而復來俄而長安街巷人相告曰官今大赦有司以聞堅驚曰禁中無屬耳之垣事何從泄也勅窮之咸言有一小兒衣青衣大呼于市曰官今大赦須臾不見堅歎曰其向蒼蠅乎

梁書曰昭明太子食中頻得蠅蟲之類密置拌邊恐厨人獲罪不令人知見

北史曰庫狄伏連居室患蠅杖門者曰何故聽入
唐書曰武儒衡為中書舍人元稹知制誥儒衡一日
因會食公堂有蠅集瓜上忽發怒命擊去之曰適從
何所來而處集此

淮南子曰夫江河之腐皆可不勝數也然祭者汲焉
大也一盃酒蠅漬其中匹夫弗嘗小也

朝子曰以火去蛾蛾愈多以魚毆蠅蠅愈至

機謹按朝子當作韓子

呂氏春秋曰以狸致鼠以冰致蠅

楊子法言曰或問蒼蠅紅紫

蒼蠅問乎白黑紅紫紫似朱而非朱也○以上

太平御覽

機謹按藝文類聚問乎作間平平疑乎字之誤也

同書紅下無紫字朱下無也字

蠅好交其前足有絞繩之象故繩之為字从蠅省準
生於隼繩生於蠅其義一也亦好交其後足搖翅自
扇故爾雅曰蠅醜扇也段氏云蒼蠅聲雄壯青蠅聲
清聒其聲皆在翼又曰青蠅糞尤能敗物雖玉猶不
免所謂蠅糞點玉是也蓋青蠅善乳色蒼蠅善乳聲

故詩以青蠅刺讒而鷄鳴曰匪鷄則鳴蒼蠅之聲也
一章曰蒼蠅之聲言耳聞疑而起也二章曰日出之
光言目見似而起也青蠅首赤如火背若負金蒼蠅
又其大者肌色正蒼今俗謂之麻蠅傳日以冰致蠅
蠅逐臭者懷蛆紫利常喜煖而惡寒故遇冰輒側翅
遠引所謂夏蟲不可與語冰者也類從曰蠅生於灰
蓋蠅值水溺死以置灰中須臾即活淮南子以為爛
灰生蠅正謂此也張敞書曰蒼蠅之飛不過十步託
於騏驥之髮則致千里此言附善之益有如此也

陸宋

佃
雅

蒼蠅蠅之絜者雅有青蠅風有蒼蠅蒼蠅比於青蠅
而小其色蒼好集几按食飲上者是也齊詩曰匪鷄
則鳴蒼蠅之聲段成或以為蒼蠅聲雄壯青蠅聲清
聒而婢雅亦云青蠅首赤如火背若負金蒼蠅又其
大者肌色正蒼今俗呼謂之麻蠅段氏則以青蠅與
蒼蠅交互言之陸氏言蒼蠅則非今雖有麻蠅一種
然比此二種絕少又蠅之小者其色自蒼今人正謂
之蒼蠅不待別引但詩以齊哀公荒淫怠慢故陳賢

妃貞女夙夜驚戒相成之道宮寢之間懷莊握蘭之所豈大於青蠅者所宜集耶

宋羅願爾雅翼

機

謹按古人謂蒼蠅者指夏日好集几案食飲之

常蠅而為蒼蠅謂青蠅者指青碧帶金色者為青蠅而久疑蒼蠅非青蠅之色矣按蒼古通作倉禮記月令倉龍疏云倉亦青色遠望則蒼據此說則今蠅色灰黑而遠望衆集者則帶青色也又潔淨白色緇遠望之則帶青色古人指白桃而呼碧桃如此類皆當迎意而斟酌焉也

晉明帝常欲肆青閑而不謀乃屏曲室左右下帷草

詔有大蒼蠅觸帳而入萃于筆端須臾亡去帝竊異

焉令人尋看即蠅所集處輒傳有詔喧然已徧矣

敬叔異苑

酈注未敗前褚中藥化為蠅數萬飛去裴楷家炊黍

在甑或變如拳或作蔓善子期年而卒

宋莊綽雞肋編

蒼蠅叮蠶則生肚蟲

前葉逼蚊蟲臺葱逼蠅子

機謹按逼蠅之逼淵鑑類函作辟

藁本湯布拭酒器并酒卓上蠅不來

使蒼蠅不來席上以稻草索數條懸壁間則盡

逼蠅臘月猪脂以餅懸廁上

陳茶末燒煙蠅速去

日未出及已沒下醬不引蠅子以上物類相感志

大和元年蘇注篋中藥化為蠅數萬飛去宋馬端臨文獻通考

蠅數種有蒼者有青者有負金者其聲在翼然身蒼

與青者聲雄負金者聲清聒青者能敗物巨者頭如

火號為景跡其他種族不一然難於徧舉也格物總論

壁類

蠅飛營營其聲自呼故名明李東璧本草綱目

蠅處處有之夏出冬蟄喜煖惡寒蒼者聲雄壯負金

者聲清括青者糞能敗物巨者首如火麻者茅根所

化蠅聲在鼻而足喜交其蛆胎生蛆入灰中蛻化為

蠅如蚕蛻之化蛾也蠅溺水死得灰復活故淮南子

云爛灰生蠅古人憎之多有辟法一種小蟾蛛專捕

食之謂之蠅虎者是也同上

氣味辛主治蠅入人耳害人研爛同鰓魚血點之危

氏上同

五日午時望太陽寫白字倒貼於柱上四處則無蠅

子又方取浮萍午時投廁中絕青蠅便氏圖纂明盧翰月令通攷

埤雅蠅成市于朝蚊成市于夜明馮應京月令廣義

山氣多蠅水氣多蚊故固原宣府太同諸鎮多蠅每

宴會必加罩於鼎俎以三關俱崇山故也邵伯竇應

多蚊故有烈女露筋之跡以楊越巨浸故也雲間李豫亨推

蓬寤語

一日鋪筵設席款宴嘉賓俄然數蠅飛遶逐氣尋香

引類呼朋而至搖頭鼓翼或集几格或滿盤盂聚散

倏忽巨扇揮颺何當其景迹之候若涼風稍至吾不

見其蹤跡何處歸矣君子以為可諷小人之趣時者

明范梈字間中野語

一酒匠見蒼蠅投酒甕即取放乾地以灰擁其體水

從灰拔蠅命得活如此日久救蠅數多後為盜拔無

能自白獄將成主刑者援筆欲判決羣蠅輒集筆尖

揮去復集因疑其寃詳問之則誣也呼盜一訊而服

遂得釋明陳留謝肇淪餘

機謹按景苑詳註引好生編同

京師多蠅齊晉多蠹三吳多蚊閩廣多蛇蛇蠹與蚊
害人者也蠅最癡頑無毒牙利嘴而其攪人尤甚至
于無處可避無物可辟且變芳馨為臭腐浼淨素為
緇穢驅而復來死而復生比之讒人不亦宜乎

明陳留謝

肇淵五雜組

物之最小而可憎者蠅與鼠耳蠅以癡鼠以黠其害
物則鼠過於蠅其擾人則蠅過於鼠世間若無此二
種晝夜差得帖席矣譬之於人蠅則嗜利無恥舐痔

吮癰之輩也鼠則舞文馴贍雄行奸命之徒也故防
鼠難於防虎驅蠅難於驅蛇何者易之也

同上

蠅雌者循行求食雄者常立不移足蟲交則雄負雌
其勢在尾近背土蜂及蜘蛛未有見其交者陰類多
相賊也

同上

類從蠅生于灰蠅值水溺死以置灰中須臾即活

明彭

大翼山堂肆考

大麻蠅或曰第根所化其色正蒼

同上

蒼蠅多生于榆葉間卷葉作房久則小蟲蛻為蠅

同上

山峽中有一種小黃蠅生毒蛇鱗甲中出嚙人初不覺漸癢搔即為瘡同上

羅願云蒼蠅蠅之絜者比青蠅而小其色蒼好集几案上食飲是也今人正謂之蒼蠅明吳元化詩經鳥獸草木攷

諸生命甚久病家赤貧不能具醫藥几上有醫便一冊以意檢而服之皆不効有一蒼蠅飛入鳴聲甚厲止于冊上生泣而禱曰蠅者應也靈也如其有靈我展書帙擇方而投足焉庶應病且有瘳乎徐展十數葉其蠅瞥然投下乃犀角地黃湯也如方製之而苦

無犀角俄出門失足踏坎中甚痛以為石尖視之犀也服數劑得愈明朱國禎湧幢小品

蠅好交其前足有紋繩之象故繩之為字從蠅亦好交其後足搖翅自扇有二種青蠅首赤如火背若負金汗穢能變白黑蒼蠅比於青蠅而小其色正蒼又一種不青不蒼信謂之麻蠅夏天好集人體間驅而復來故信謂人可憎者為麻蠅其聲皆在翼類從曰蠅生於灰蠅值水溺死以置灰中須臾即活淮南子所謂爛灰生蠅正謂此也明王思義三才圖會續集

夢溪筆談曰：閩人謂大蠅為胡螻，亦螻之類也。謝承後漢書曰：郭諒師事李固，杜喬李固之誅，詣闕上書乞收斂，不聽，因往守視其喪，扇護蠅蟲。又曰：楊匡為杜喬所辟，為平原令，棄官還，聞固喬曝尸，星行赴雒，著敝衣赤幘，守其尸，驅護蠅蟲。天子嘉其忠義，聽殯殮之。

機謹按藝文類聚：楊匡作楊章。

益部耆舊傳曰：嚴遵為揚州刺史，行部聞道傍女子哭聲，不哀，問之曰：夫遭燒死，遵勅吏輿屍到，令人守。

屍曰：當有物自往，吏白有蠅聚頭所，遵令披視，得鐵錐貫頂，考問以淫殺夫。

酉陽雜俎曰：張芥在韋臯幕中，有一客于宴席上以箸，梳中綠豆擊蠅，十不失一，一座驚笑。芥曰：無費吾豆，遂指起蠅，拓其後，脚無脫者。

雪濤小說曰：天順朝都御史陳智性急，暑日坐廳事，一蠅拂其面，即叱左右捕之，左右故東西馳，驚作擒拏狀，伺其怒定乃罷。

埤雅廣要曰：蠅逐臭者，懷蛆營利，常喜暖而惡寒，故

遇冰輒側翅遠引所謂夏蟲不可與語冰者也

漢張敞書曰夫蒼龍非不神不能白日升天飄風雖

疾不以霖雨不能揚塵故蒼蠅之飛不過十步自託

騏驥之髮乃騰千里之路

已上淵鑑類函

蠅生於灰故蠅溺死置灰中即活贊寧云藁本盪杯

青蠅不來臘日以猪肝四兩縣廁上則明年无蠅虛

舟子曰棲葱逼蠅陳茶燒烟蠅亦速去余廢之座師

曰漳州海有海鰯魚其糞乾之器盛可以辟蠅壁間

縣稻艸索可引蠅去後猓尾蠅不敢集可為塵尾

通中

曰臘日雪水收貯待清明日洒几案上蠅自去或以綠礬水漬濕巾蓋桌器則不近朱玆菴曰廣西蛆蚋辟蚊蠅○清皖桐方氏浮山此載軒物理小識

可談云瓊管羹人食動物凡蠅蚋草虫蜥蚓盡捕之

入截竹中炊熟破竹而食

清來元成博學彙書

蠅類不一腹大足喜交好逐羶臭聲壯翼喜暖畏寒

遇冰側翅遠去青者生園廁中頭赤背如負金其糞

能敗物麻色者茅根所化又一種小者集几案殺羞

問衆多為擾人患之

清廖文英正字通

陸佃云蠅好交其前足有絞繩之象亦好交其後足

搖翅自扇故爾雅曰蠅醜扇劉執中云蛆化為蠅蠅復化為蛆喜熱畏寒故曰凍蠅陽春縣志

汚而可憎蒼者能變白黑漳浦縣志

蠅蒼色首赤者呼為景迹歐陽公賦云福州府志

張敞曰蒼蠅之飛不過十步自托騏驥之髮乃騰千里之路酉陽云蠅聲在翼身青而大者糞能敗物諸羅

縣志

蠅好交其前足有紋繩之狀其後足搖翅自扇義泉州

府志

蠅青蠅乳色蒼蠅乳聲武寧縣志

蠅張敞曰蒼蠅之飛不過一步自托騏驥之髮乃騰千里之路班固曰青蠅嗜肉汁而忘溺死漳州府志

蠅爾雅蠅醜扇埠雅蠅好交其前足有紋蠅之象故

灰蠅亦好交其後足搖翅自扇故曰蠅醜扇也段成

式云蒼蠅之聲雄壯青蠅之聲清昭其聲皆在翼又

云青蠅糞久能敗物雖玉不免遇青物糞能作白遇

白物糞能作青亦異狀也封州縣志

蠅好交其前足有紋繩之象故繩字從蠅蒼蠅聲雄

壯青蠅聲清聒其聲皆在翼類從日蠅生于灰蓋蠅

值水溺死以置灰中須臾即活汀州府志

蠅生於灰凡蠅值水溺死致灰中須臾即活曹縣志

蠅好交前足有紋繩之象故字從繩有青蒼二色清

者汙穢能變黑白蒼者聚聲如雷故曰青蠅乳色蒼

蠅乳聲淮南子曰爛灰生蠅蠅溺死取置灰中須臾

即活九江府志

蠅有青蒼二種詩曰營營青蠅仁和縣志

懷宋崇禎十六年癸未夏望江多蠅叢聚着人身如

鳥衣冬大雷雨潛山虎入城安慶府志

蠅好交其前兩足有紋繩之象又善鼓翼作聲青蠅

冀尤能點物故曰青蠅乳色蒼蠅乳聲鉛山縣志

庶物類纂蟲屬卷之三十四目次

青蠅


狗蠅

木蠹


蜚蠊

扁前

庶物類纂卷三十四



青蠅



庶物類纂卷三十四

蟲屬

青蠅

一

青蠅

詩云營營青蠅止于藩愷悌君子無信讒言讒言傷善青蠅汚白同一禍敗詩以為興昌邑王夢西階下有積蠅矢明且召問郎中龔遂遂對曰蠅者讒人之象也夫矢積於階下王將用讒臣之言也由此言之蠅之為蟲應人君用讒何故不謂蠅為災乎如蠅可以為災夫蠅歲生世間人君常用讒乎

漢王充論衡

焦贛易林曰腐因所在青蠅集聚辨別白黑敗亂邦

國唐歐陽詢藝文類聚

漢書曰成帝建始中有青蠅垂萬數集未央宮殿中朝者坐公卿已下朝會坐又曰昌邑王賀夢青蠅之矢積階西東可五六石以問龔遂曰階下在側讒人衆多願皆放逐之賀不用其言卒至於廢上同術士相牛僧孺若青蠅拜賀方能及第公疑之及登科訖歸坐家庭有青蠅作人行立約數萬折射再三良久乃去青陽記○唐馮贄雲仙雜記

毛詩甫田曰青蠅大夫刺幽王也營營青蠅止于樊蠅之為蟲汙白使黑汙黑使白喻候人變亂善惡也豈弟君子無信讒言營營

青蠅止于棘讒人罔極交亂太平御覽

漢書曰成帝建始元年六月青蠅萬數集未央宮殿

中朝者坐服虔曰公卿以下朝會坐也○同上

論衡曰清受塵白受垢青蠅所汚常在練色素犬群吠吠所惟也同上

虞翻別傳曰翻放棄南方自恨疏節骨體不頑犯上獲罪當長沒海隅生無可與語死以青蠅為吊客天下一人知己者足以不恨同上

謹按山堂肆考南方下有曰字淵鑑類函無疏

節骨體不煩六字

廣五行記曰魏吏部尚書何晏嘗夢青蠅數千頭來自鼻上驅之不肯去以問管輅輅曰鼻者天中今有青蠅鼻惡而來集之位峻者顛輕豪者亡不可不思之至明年何晏及鄧颺皆伏誅

同上

青陽記術士相郭代公若青蠅拜賀方能及第公疑之及登科訖崢坐家庭有蠅作人行立約數萬折躬者三良久乃去

宋孔候白
孔六帖

青蠅古以喻讒人以其所趨甚汙終日營營而不知

止又為聲以亂人聽故以此然必言止於樊棘者鄭氏以為欲其遠之常限之藩籬之外此不然也夫物之逐臭者投隙而進豈能限絕蓋室之區必植榛棘為藩以蔽之正蠅所宜集止耳說者又以青蠅點白為黑點黑為白由昔相傳如此歐陽公獨以為今之青蠅所汙甚微以黑點白猶或有之然其微細不能變物之色詩人惡讒言變亂善惡其為害大必不引以為喻至於點白為黑則未嘗有之據今青蠅之行好遺矢於物上遇物之絮者則見論衡曰清受塵白

受垢青蠅所汙常在練素此所謂點白為黑也至其
循繞研上引取黑汁斯須之頃盈寸白駁矣則所謂
點黑為白者也二者為害雖微然傷物之全亂物之
正實自此始正當謹以為戒也故法言或問蒼蠅紅
紫曰明視以蠅變白黑紅紫亂朱故也君子之於讒
也初蓋易之至於亂之又生而後君子信讒此詩亦
然故首章但云毋信讒言至其二章則已交亂在外
之四國至其三章則雖同心如我二人者亦不能以
相有其始輕之而不忌皆如此蠅矣漢昌邑王賀夢

青蠅矢積西階東可五六石以問龔遂遂亦勸放逐
左右讒人而魏何晏夢青蠅數十來鼻端驅之不去
管輅亦以為鼻者天中今蠅臭惡而來集之位峻者
顛輕豪者亡詩人取喻豈虛乎哉宋羅願爾雅翼
忡索可以祛青蠅物類相感志
藁湯洗杯青蠅不來同上

長樂劉氏曰蛆蟲所變而成者青蠅也其飛之聲則
營營然乳人之聽其止於物則穢敗之又從而生蛆
復變為蠅其穢敗於物無有紀極也宋嚴粲詩緝

成帝建始元年六月有青蠅無萬數言其極多雖欲以萬數之而不

得○宋馬端臨文獻通考

巨者首如火名景跡明范貞一典籍便覽

蛆蟲所化青而赤頭巨者名景跡蠅明鄒善長景苑詳註

劉執中云蛆蟲變成者青蠅也其止于物則穢敗之

又從而生蛆蛆復變為蠅穢敗于物無有紀極明馮復京

六家詩名物疏

段氏云青蠅糞尤能敗物雖玉猶不免所謂青蠅點

玉是也論衡曰清受塵白受垢青蠅所汙常在練素

此所謂點白為黑者也至於循繞研上引取黑汁斯

須之頃盈寸白駁矣則所謂點黑為白者也明吳元化詩經

鳥獸草木攷

浮萍午時投廁中絕青蠅便氏圖纂○明盧翰月令通攷

杜陽雜編曰鄭注嘗置藥于篋藥化為青蠅萬數飛

去心頗惡之未踰月而難作淵鑑類函

埤雅廣要曰青蠅糞能敗物雖玉猶不免所謂蠅糞

點玉是也同上

宋張詠罵青蠅文曰觸類冉冉明飛薨薨切羶而蠹

芳筵預登、當是之際、人無不憎、我疑奸人之魂、佞人之魄、埋鬱不散、託蠅寄跡、不然者、何以變白為黑、變黑為白、所以恣其點染、所以遂其譏慝、奸佞之作、敗君之德、黑白之變、為物之賊、所謂欲蓋而彰、順非而澤、使潔者不得自明、黜者不得自然、連璧失珍、兼金奪色、致義士之感心、幾拊髀而太息、

同上

崇禎十四年四月、大疫、士民死者過半、青蠅大如棗、

飛蔽天日、丁盡戶絕者無數、

縣志

青蠅乳色、故取以刺譏、有金蒼麻三種、

杭州府志

狗蠅

俗名噎怒法噎、又名舍蕪憂迷、

加賀州能登州

法噎搭爾、

同上

藏書
卷三十四

狗蠅

小兒瘡痘固是危事，然要不可擾之。嘗見趙賓陽曰：或多以酒、麵等物發之，非也；或以消毒、飲升麻湯等解之，亦非也。大要在固臟氣之外，任其自然耳。惟本事方：捻金散最佳。又陳劔南剛翁云：痘瘡切不可多服升麻湯，只須以四君子湯加黃芪一味為穩耳。二說皆有理。然或有變證，則不得不資於藥。癸酉歲兒女皆發痘瘡，同僚拈蒼陳坡老儒也，因言向分教三山日，其孫方三歲發熱七日，瘡出而倒靨，色黑唇口

冰冷危證也。遍試諸藥，皆不效。因乞靈於城隍神，以卜生死。道經一士門，士怪其侵晨倉皇，因遮扣之，遂告以故。士曰：「恰有藥，可起此疾，奇甚。」因為經營少許，俾服之。移時，即紅潤如常。後求其方，甚秘，惜之。及代婦方，以見贐。其法用狗蠅七枚。狗身上能飛者搗細和醅酒，少許調服。蠅夏月極多，易得；冬月則藏於狗耳中，不可不知也。既而次女瘡後，餘毒上攻，遂成內障，目不辨人，極可憂。遍試諸藥，半月不驗。後得老醫一方，用蛇蛻一具，淨洗焙令燥，又天花粉即瓜萼根等分，細末之。

以羊子肝破開，入藥在內，麻皮縛定，用米泔水熟煮，切食之。凡旬餘而愈。其後程甥亦用此取效，真奇劑也。宋周公謹齊東野語

陳州有王江者，真有道之士。又有近性宗處，喜與小兒輩戲。或終日小兒以狗蠅巴豆盈掬與之。江隨便啖食，而了無他因。衝部使者導從，使者怒執送州。杖之，出曰：「好打好打。」人窺其杖處，初無損也。後有客自北門來，云嘗遇夜風雨，寄宿道傍一小舍，舍中惟一老翁，至曉別去。老人曰：「到陳州為傳語任江，客到陳。」

城北草市王江遇之曰何不道傳語乃知必任江王
姓非真也自爾江稍往來他處或至京師今不復見
矣宛丘張來續明道雜誌

狗蠅生狗身上狀如蠅黃色能飛堅皮利喙噉狗
血冬月則藏狗耳中狗蠅古方未見用者近世醫方
大成載治瘡方齊東野語載托痘方蓋亦鼠負牛蝨
之類耳周密云同僚括蒼陳坡老儒也言其孫三歲
時發熱七日痘出而倒靨色黑唇口水冷危證也遍
試諸藥不效因求卜遇一士告以故士曰恰有藥可

起此疾甚奇因為經營少許持歸服之移時即紅潤
也常懇求其方乃用狗蠅七枚搗細和醋酒少許調
服爾夫痘瘡固是危事然不可擾大要在固臟氣之
外任其自然爾然或有變證則不得不資于藥也明東璧本草綱目

狗蠅黃色皮堅喙銳噉狗血清廖文英正字通

機謹按狗蠅皮堅性難死或云甚畏燈油驗之果
然

木蛭

一名魂常神農
本州

本草綱目卷三十四

木蠹

水蛆南中水碓澗中多有蛆長寸餘色黑夏深變為

蠶螫人甚毒

唐段成式酉陽雜俎

機謹按淵鑑類函碓作溪有蛆作此蟲色黑作黑色

蟲从民省聲蟲从𠂔省聲考蟲則有害於人若蟲傷牛馬亦田𠂔之患也蟲有數種商浙以南江嶺間有大木蠹長大綠色殆如次蟬啞牛馬或至頓仆蜚蠹狀如蜜蜂黃黑色又一種小者名鹿蠹大如蠅齧牛

馬亦猛三、蚩所食同故說苑曰蠹喙仆柱蚊蚩失牛
古語搏牛之蚩不可以破蠹言才有分能大者不必
能細也好聚於牛馬之尾楚語曰譬之如牛馬處暑
之既至蚩蚩之既多而不能掉其尾蓋大曰蚩小曰
蚩處暑七月節牛馬之氣蒸鬱故蚩之大小焦馬尾
重而不掉也牟子曰昔公明儀為牛彈清角之操伏
食如故轉為蟲蚩之聲則翹尾而躡蹠然蚩亦有不
食之時淮南子曰夏至而流黃澤石精出蟬始鳴半
夏生蟲蚩不食駒犢鷩鳥不搏黃口許叔重以為五

月微陰在下未成駒犢黃口饑血脆弱故蟲蚩鷩鳥
應陰不搏食之也然則古者郊必用犢將事于四海

山川則飾黃駒豈物所不傷純全至絜耶宋羅願爾雅翼

牛蠅蠅類噉牛馬血爾雅強強蚘宋鄭夾漈通志昆蟲草木畧

惠帝元康中洛陽南山有蚩武庚反作聲曰韓尸尸識

者曰韓氏將尸也言尸尸者盡死也其後韓韞誅而

韓族殲焉此青祥也宋馬端臨文獻通考

陶隱居云此蚩不噉血狀似蚩而小近道草中不見

有市人亦少有賣者方家所用惟是蜚蚩也唐本注

云、蜜有數種、並能嗽血、商、浙音昔已南江、嶺間大有木、蜜、長、大、綠、色、殆如次、蟬、啞、牛、馬、或至頓仆、蜚、蜜、狀如蜜、蜂、黃、黑、色、今俗用多以此也、又一種小、蜜、名、鹿、蜜、大如蠅、齧、牛、馬、亦猛、市人採賣之、三種體以療血為本、餘療雖小有異、同用之不為嫌、何有木、蜜、而不嗽血、木、蜜、倍、大、蜚、蜜、陶、云、似、蜜、而、小、者、未、識、之、矣、臣禹、錫、等、謹、按、陳、藏、器、云、木、蜜、陶、云、此、蜜、不、嗽、血、似、蜜而小、蘇、云、江、嶺、已、南、有、木、蜜、長、大、綠、一、作、龍、色、者、何有、蜜、而、不、嗽、血、陶、誤、耳、按、木、蜜、從、木、葉、中、出、卷、葉、如

子、形、圓、著、葉、上、破、中、初、出、如、白、蛆、漸、大、羽、化、圻、破、便飛、即、能、啣、物、塞、北、亦、有、嶺、南、極、多、如、古、度、花、成、蟻、耳、本、經、既、出、木、蜜、又、出、蜚、蜜、明、知、木、蜜、是、葉、內、之、蜜、飛、蜜、是、已、飛、之、蟲、飛、是、羽、化、亦、猶、在、蛹、如、蠶、之、與、蛾、爾、既、是、一、物、不、合、二、出、應、功、用、不、同、後、人、異、注、爾、嘉祐補注

草本

木、蜜、生、漢、中、川、澤、蜚、蜜、生、江、夏、川、谷、今、並、處、處、有、之、而、襄、漢、近、地、尤、多、蜜、有、數、種、皆、能、啣、牛、馬、血、木、蜜、最、大、而、綠、色、幾、若、蜩、蟬、蜚、蜜、狀、如、蜜、蜂、黃、色、醫、方、所、用

蜜蟲即此也。又有一種小蜜，名鹿蜜，大如蠅，啞牛馬
 亦猛。三種大抵同體，俱能治血，而方家相承只用蜚
 蜜，它不復用。並五月採腹有血者，良人伺其嗽，牛
 馬時腹紅者，掩取乾之，用入藥，須去翅足也。淮南子
 曰：蜜散積血，劉木愈齩，立主切。此以類推之者也。然
 今本草不著劉木之治病，亦漏脫耳。本草圖經
 木蜜大小有三種：蜚蜜，今人多用之，大如蜜蜂，腹凹
 扁微黃綠色，雄霸州順安軍泌塘灤界河甚多，以其
 惟食牛馬等血，故治瘀血血閉。宋寇宗奭本草衍義

蜜以翼鳴，其聲蜜，故名。陸佃云：蟲害民，故曰蠹。蜜
 害，故曰蜜，亦通。明李東璧本草綱目

金幼孜北征錄云：北虜長樂鎮草間有蜜，大者如蜻
 蜓，拂人面，嘖嘖元，禎長慶集云：巴蜀山谷間春秋常
 雨，五六月至八月，月則多蜜，道路羣飛，啞牛馬血流
 齧人，毒劇而毒不留肌，故無治術。據此則藏器之說
 以亦近是。又段成式云：南方溪澗中多水蛆，長寸餘
 色黑，夏末變為蜜，螫人甚毒。觀此則蜜之變化，有水
 有水，非一端也。同上

蚤有數種皆能啖牛馬血木蚤最大而綠色今呼為
 王蚤又呼為舍命王蚤狀如蜜蜂又一種小蚤名
 鹿蚤大如蠅或云木蚤無子一名鬼常明彭大翼山堂肆考
 蚤音蒙亦作蛇大曰蚤小曰蜚狀類甚多為牛馬及
 田疇之害明范貞一典籍便覽
 蚤有數種浙以南江嶺間有大木蚤長大綠色殆如
 次蟬啞牛馬或至頓仆蜚蚤狀如蜜蜂黃黑色又一
 種小者名鹿蚤大如蠅蝟牛馬亦猛又大曰蚤小曰
 蜚見楚語明王思義三才圖會續集

晉書曰惠帝時洛陽南山有虵作聲曰韓屍識者以
 為韓氏將屍戮俄而韓謚被誅太平御覽
 淮南子曰蚤戢精血以類推之也許慎曰蚤食血○同上
 又曰蚤與驢致千里而不飛無稂糧之資而不饑同上
 又曰上古之時冬日則不勝霜雪露露夏日則不勝
 暑熱蚤蚤同上
 大戴禮曰聖人有國蚤蚤不食天駒埤雅曰蚤民蟲病焉一曰蚤盲故謂之蚤○淵鑑類函
 元稹蟲豸詩序曰巴山谷間春秋常雨自五六月至

八九月雨則多蚤道路羣飛噬牛馬血及蹄角旦暮尤極繁多人常用日中時趣程逮霜雪而後盡其齧人痛劇浮蟻而不能毒留肌故無療術上同

機謹按浮蟻二字疑衍文也本草綱目引長慶集而無浮蟻二字

張萱曰強一作蠶即牛蚤也好嗽牛馬血明張萱彙雅前集

蚤齧人飛蟲蚤有數種木蚤從木葉中出綠色如小蟬啞牛馬血至頓仆蜚蚤狀如蜜蜂腹凹扁黃黑色一說木蚤是葉內者蜚蚤是已飛者如蠶蛹與蛾一

物也一種小者名鹿蚤大如蠅秋間牛馬氣蒸鬱蚤大小集牛馬尾尾至重不能掉亦名牛蚤說苑蠹蟬仆柱蚊蚤失牛言小能制大也又元稹長慶集云巴蜀春秋間常雨五六月至八九月道路多蚤羣飛齧人又段成式曰南方溪澗多水蛆長寸餘色黑夏末變為蚤明金幼孜北征錄云北鹵長樂鎮草間有蚤大者如蜻蜓拂人面嘍嘍據諸說蚤之變化有木有水非一端也亦作蠹與商通貝母草名別作蚤又陽韻音匹詩鄘風言采其蠹叶行狂行音抗易林吝如

奔蚤行不能傷清廖文英正字通

蟲數種皆能啗牛馬血木蟲大而綠色幾若蜩蟬蜚

蟲似如蜜蜂黃色鹿蟲大如蠅大抵能治血五月採

腹有血者三山志

生山中、大為鹿、小為狗、蠅、身蚊、嘴如錐子、牛、馬

及人皆苦之高要縣志

機謹按證類圖經共順唐本草而以一種小者為

鹿、今以大為鹿、小者誤也

此自遼河以西至山海關每夏月則多能齧人及牛

馬尤甚、烏喇寧古塔諸山林中尤多蚊、虻、之屬盛京通志

蚤有牛、蚤有水、蚤丹徒縣志

蟲叮牛虫甚惡曹縣志

蟲數種皆能啗牛馬血木蟲稍大而綠色幾如蜩蟬

蜚蟲狀如蜜蜂黃色鹿蟲大如蠅大抵能治血五月

採腹有血者福州府志

蜚蠊

一名蠹蟲
本目 網

俗名蠹虎又名母罵七虎蠹
周防又名虎母
各法同噎上

蜚蠊

蜚蠊生江夏川谷五月取腹有血者良陶隱居云此
 卽今噉牛馬血者伺其腹滿掩取乾之方家皆呼為
 蠊蟲矣唐本注云三蠊俱食牛馬非獨此也俱得卽
 堪用何假血充然始掩取如以義求應如養鷹飢則
 為用若伺其飽何能除疾爾嘉祐補註本草
 蜚蠊今人多用之大如蜜蜂腹凹扁微黃綠色雄霸
 州順安軍沿塘際界河甚多以其惟食牛馬等血故
 治瘀血血閉宋寇宗奭本草衍義

採用須從陶說蘇恭以饑鷹為喻比擬殊乖明李東璧本草

目細

按劉河間云虫食血而治血因其性而為用也成無

已云苦走血血結不行者以苦攻之故治蓋血用虫

蟲乃肝經血分藥也古方多用今人稀使上同

別錄曰蜚虫生江夏川谷凡牛馬所在都有之冠以

曰形類蜜蜂腹凹扁黃而微綠色嘴銳而利若鋒鑽

然春半後秋半前出暑月繁多腹飽有血者良入藥

去翅炙乾用明倪朱謨本草彙言

扁前

扁前

別錄有名未用曰味甘有毒主鼠瘻癰閉利水道生
山陵中狀如牛蚶赤翼五月八月採之
明李東璧
本草綱目

庶物類纂
卷三十四

